



Broj: 10-SI-48/20
Ilidža, 18.05.2020.god.

26-05-2020



OPĆINSKO VIJEĆE ILIDŽA

Materijel za 36 redovnih;
Mirsad

PREDMET: Dostava Informacije o radu Općinskog načelnika za 2019.godinu

U prilogu vam dostavljamo Informaciju o radu Općinskog načelnika za 2019. godinu u printanoj i elektronskoj formi.

S poštovanjem,

DOSTAVLJENO:

1. Naslovu
2. a/a

POMOĆNIK OPĆINSKOG NAČELNIKA



Mirsad
Mirsada Hasečić, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYO

INFORMACIJA O RADU
Općinskog načelnika za 2019.godinu

Nosilac pripreme materijala:

Služba za opću upravu

Ilidža, Maj 2020.godine



INFORMACIJA O RADU

Općinskog načelnika za 2019.godinu

I UVOD

Kao dio Jedinственог Općinskog organa uprave, stručnih i posebnih službi, Općinski načelnik je kontinuirano poduzimao određene mjere i aktivnosti na realizaciji utvrđene politike, izvršavanju zakona, obaveza koje proističu iz Statuta i drugih propisa, zaključaka Općinskog vijeća i poslova Kantonalne uprave koji su zakonom preneseni na Općinskog načelnika.

Posebna pažnja posvećena je realizaciji kapitalnih projekata, u skladu sa Budžetom općine i rješavanju imovinsko-pravnih poslova kao pretpostavke za realizaciju projekata od šireg značaja za stanovnike Općine Ilidža, koji će obezbijediti da Općina Ilidža postane ambijent ugodnog življenja.

Isto tako, u svim prilikama promovisana su dostignuća Općine Ilidža u svim oblastima, a značajna pažnja posvećena je svakom građaninu koji se obratio Općinskog načelniku, radi rješavanja određenih problema.

Radi lakšeg rješavanja problema, građanima je pružana i besplatna pravna pomoć u oblasti radnih odnosa, boračko-invalidske zaštite, licima u stanju socijalne potrebe, oblasti penzijsko-invalidskog osiguranja i građanskih stanja.

Ukupan broj građana koji su se u proteklom periodu obratili za pravnu pomoć je 646, od čega 492 za sastavljanje pisanih podnesaka, a 154 za usmeni pravni savjet.

U cilju što kavalitetnije realizacije projekata u pojedinim oblastima redovno su obavljani kontakti sa investitorima i privrednicima, a takođe je obavljena i saradnja sa načelnicima drugih općina, kao i međunarodnim organizacijama.

Obzirom da je Općinsko vijeće usvojilo Izvještaj o radu Jedinственог općinskog organa uprave, stručnih i posebnih službi, koji je iscrpno obuhvatio sve aktivnosti u toku 2019.godine, ova informacija će prezentirati samo dio aktivnosti u pojedinim oblastima, u kojima je neposredno ili putem općinskih službi učestvovao Općinski načelnik.

II ANALITIČKI DIO

1. Centar za pružanje usluga građanima

Savremeni Centar za pružanje usluga građanima koje se pružaju na 18 šaltera u toku protekle godine opslužio je cca do 1000 građana dnevno.

Na šalterima se obavljaju poslovi iz oblasti opće uprave, boračko-invalidske zaštite, poslovi iz nadležnosti Službe za rad, socijalna pitanja, zdravstvo, izbjeglice i raseljena lica i poslovi katastra.

Radi što boljeg informisanja građana, na Info desku građanima se pružaju informacije o fazi postupka u kojoj se nalazi rješavanje njihovih zahtjeva, kao i osnovne informacije o radu drugih organa i subjekata.

Na šalteru su dostupne sve vrste obrazaca koji su potrebni za pokretanje upravnih i drugih postupaka, a u pisanoj formi dostupni su svi akti koje je donijelo Općinsko vijeće, od Statuta pa do Budžeta za tekuću godinu. Takođe su dostupni vodiči za građane.

Rad Centra u protekloj godini ispunio je očekivanja i postavljene standarde, što pokazuju i rezultati Ankete o zadovoljstvu korisnika usluga, koju je Služba za opću upravu provodila u maju, junu, julu i avgustu 2019.godine, u kojoj je učestvovalo 936 korisnika usluga.

Anketirani korisnici su odgovarali na ukupno 3(tri) pitanja sa ocjenom od 1-5, pri čemu je ocjena 1 najniži, a ocjena 5 najviši stepen zadovoljstva.

Prvo pitanje se odnosilo na kvalitet rada Općine Ilidža, drugo na kvalitet rada osoblja, a u trećem se ostavilo prostora za mišljenje anketiranih korisnika.

Prosječna ocjena kvaliteta usluga Općine Ilidža iznosi 4,50, za kompletnost rješenja 4,42, pouzdanost usluge 4,56, reagovanje po pozivu 4,43, kompetentnost osoblja 4,13, komunikativnosti 4,35 i poštivanje rokova 4,38, tako da ukupna prosječna ocjena iznosi 4,46.

Navedeni rezultati Ankete predstavljaju potstrek uposlenicima Centra da u narednom period kvaliteta i efikasnost pružanja usluga podignu na još veći nivo.

Treba naglasiti da sastavni dio Centra za pružanje usluga građanima čini i Centar za dozvole, u kojem se obavljaju određeni poslovi iz oblasti prostornog uređenja.

2. Prostorno uređenje

1.1. Legalizacija objekata

Pored značajnih rezultata ostvarenih u vođenju redovnog upravnog postupka, koji podrazumijeva izdavanje upravnih akata za stambene, stambeno-poslovne, proizvodne objekte, kao i objekte infrastrukture (saobraćajnice, regulacije korita rijeka, elektro instalacija, trafo stanica i dr.), posebna pažnja posvećena je legalizaciji objekata prema Odluci o legalizaciji građevina izgrađenih bez odobrenja za građenje i građevina privremenog karaktera ("Službene novine Kantona Sarajevo" broj: 6/06 od 16.02.2006.godine, 18/07,18/08,35/12 i 51/15).

Na osnovu navedene odluke o legalizaciji sproveden je postupak izdavanja:

- naknadne urbanističke saglasnosti,
- naknadnog odobrenja za građenje,
- naknadne upotrebne dozvole, po zahtjevu stranaka.

Značaj rješavanja predmeta iz oblasti legalizacije ogleda se u usklađivanju faktičkog i pravnog stanja, što doprinosi sređivanju odnosa u ovoj oblasti.

Na osnovu navedene odluke podnesen je veliki broj zahtjeva, koji su kontinuirano rješavani od 2006.godine, tako da je u 2019.godini riješeno 413 zahtjeva za naknadnu urbanističku saglasnost, 179 zahtjeva za naknadno odobrenje za gradnju i 84 zahtjeva za naknadnu upotrebnu dozvolu, što ukupno iznosi 747 upravnih akata.

1.2.Planska provedbena dokumentacija u izradi

Općinski načelnik pokrenuo je proceduru a Općinsko vijeće podržalo donošenje novih i izmjene i dopune i potrebne aktivnosti za sljedeću provedbenu plansku dokumentaciju u toku 2019.godine:

Naziv plana : Regulacioni plan Groblje Vlakovo

Osnov plana : Odluka o pristupanju izradi iz 2018 god

Nosilac izrade: Zavod za planiranje razvoja Kantona Sarajevo

Razmatra: Načelnik općine i Općinsko vijeće

Naziv plana : Regulacioni “Riverina sastavci”

Osnov plana : Odluka o pristupanju izradi iz 2016

Nosilac izrade: Zavod za planiranje razvoja Kantona Sarajevo

Razmatra : Načelnik Općine i Općinsko vijeće

Treba napomenuti da su u vezi sa navedenim planovima održane javna tribina i javna rasprava u MZ Osijek, Blažuj i Vreoca.

3. Imovinsko-pravni, stambeni, geodetski poslovi i katastar

nekretnina

U širokom spektru nadležnosti iz ove oblasti treba naglasiti da su ukupni rezultati u rješavanju zahtjeva građana bolji u odnosu na 2018.godinu, obzirom da je riješen veći broj predmeta, što je rezultat efikasnijeg rada i dodatnog angažmana.

Dodatnim angažmanom i dodatno postavljenim ciljevima i zadacima značajno je unaprijeđen rad, i uspješno realizovani zadaci u radu na redovnim poslovima, te je učinjen značajan iskorak i definiran putokaz u kojem smjeru se treba kretati kako bi se u najkraćem vremenskom periodu uspostavili efikasniji mehanizmi provedbe zakona i rješavanja zahtjeva građana, omogućili tačnu i pouzdanu evidenciju o nekretninama, koja je neophodna u cilju privlačenja investicija i razvoja privredne aktivnosti, što je primarni i kontinuirani cilj svake lokalne zajednice.

Prioritet u radu je svakako dat općinskim projektima i sa te strane bilježi se značajno unapređenje i skraćanje rokova za rješavanje imovinsko-pravnih pitanja, a direktna posljedica takvog postupanja jeste i okončanje postupka eksproprijacije na projektu izgradnje saobraćajnice Hrasnička cesta sa tramvajskim pojasom od Ilidže do granice sa entitetom RS, gdje su u toku 2019.godine imovinsko pravni odnosi riješeni u cijelosti. Postupak eksproprijacije je okončan na 99 % trase LOT 3b Mostarsko raskršće-petlja Vlakovo, isključne trake za naselje Osijek – Zapadni prilaz gradu, izgradnja pješačkih staza na magistralnom putu M17 po prijedlogu JP Ceste Federacije BiH, a u cijelosti je okončana eksproprijacija u svrhu izgradnje parkinga u ulici Dr. Silve Rizvanbegović itd.

Shodno Zaključku Općinskog vijeća Ilidža, izgrađen je sveobuhvatan Prijedlog odluke o građevinskom zemljištu na području Općine Ilidža, čime je ista prilagođena aktuelnim zakonskim rješenjima višeg ranga.

Takođe, izrađen je i usvojen Prijedlog odluke o načinu i uslovima raspolaganja nekretninama u vlasništvu Općine Ilidža, čime je imovinsko-pravna oblast zaokružena i u cijelosti ažurirani propisi.

4. Privreda i turizam

U jednoj od značajnijih oblasti za ukupan razvoj općine, u protekloj godini pored 1339 upravnih predmeta, intenzivno je rađeno i na realizaciji projekata i to:

- Nabavka i dodjela plastenika na području općine Ilidža, u kojoj je dodijeljeno 35 plastenika površine 100 m², ukupne vrijednosti 99.444,20 KM,
- Završen je projekat “Nabavka sadnica voća za građane Općine Ilidža”, u kojem je dodeljeno 6.000 sadnica voća, u saradnji sa Službom za koordinaciju rada MZ-a, u ukupnoj vrijednosti od 19.000,00 KM.

Pored navedenih projekata, Ministarstvu Kantona Sarajevo dostavljen je:

- Plan proljetne sjetve za 2019.godinu, Izvještaj o realizaciji jesenje sjetve u 2018.godini i Izvještaj o stanju u biljnoj proizvodnji u 2018.godini,
- “Program praćenja štetnih organizama na području Općine Ilidža za 2020.godinu.”
- Izvještaj o realizaciji programa štetnih organizama na području općine Ilidža za 2019.godinu,
- Popis stočnog fonda i ostale animalne proizvodnje za 2018.godinu.

Po zahtjevu stranaka u Registru poljoprivrednih gazdinstava, Registru klijenata i Registru pčelara, vršene su promjene i izdate nove potvrde sa promjenama i potvrde da se vode u registru, kao jedan od uslova za podnošenje zahtjeva za podsticanje iz primarne poljoprivredne proizvodnje, kao i potvrde držanja stoke i potvrde o objektima za držanje stoke-da se isti ne nalaze u zonama zabrane držanja stoke.

Kontinuirano je ažuriran Registar samostalnih poduzetnika i Registar pravnih lica na području općine Ilidža.

Turistička mapa je dopunjena novootvorenim smještajnim kapacitetima, ugostiteljskim objektima, sportsko rekreativnim sadržajima i infrastrukturnim promjenama. Prema evidenciji na području općine Ilidža evidentirano je ukupno 3421 pravno lice, 313 trgovačkih radnji, 198 ugostiteljskih radnji.

Broj registrovanih obrtničkih i obrtu srodnih djelatnosti iznosi ukupno kao osnovno zanimanje 445, a broj obrtničkih i obrtu srodnih djelatnosti kao dopunsko zanimanje iznosi 151.

U djelatnostima kao dodatno zanimanje registrovano je 21 zanimanje, a oblasti izdvojenih poslovnih prostora 13.

5. Finansije

Najznačajniji dokument koji je usvojen u decembru mjesecu 2019.godine je Budžet Općine Ilidža za 2020.godinu u iznosu od 29.400.000 kojem je prethodilo:

- Izvještaj o izvršenju Budžeta Općine Ilidža za period 01.01. – 31.12.2018.godine,
- Odluka o usvajanju Završnog računa za period od 01.01. – 31.12.2018.godine,
- Odluka o višku prihoda nad rashodima za 2018.g.,
- Izmjene i dopune Budžeta Općine Ilidža za 2019.godinu,
- Izvještaj o izvršenju Budžeta Općine Ilidža i kvartalni finansijski izvještaji za period od 01.01.-31.03.2019.godine u aprilu mjesecu, od 01.01.-30.06.2019.godine u julu mjesecu i od 01.01.- 30.09.2019.godine u oktobru 2019.godine,
- Izrada kvartalnih finansijskih izvještaja Općine Ilidža i dostava istih Ministarstvu finansija Kantona Sarajevo,
- Permanentno praćenje dobivenih namjenskih sredstava od Ministarstava Kantona Sarajevo,
- Kontinuirano praćenje izvršenja Budžeta,
- Vođenje priručnih evidencija za praćenje pojedinih rashoda – kapitalni grantovi i određeni tekući rashodi,
- Izrada mjesečnih izvještaja o ostvarenim prihodima za Kanton Sarajevo – Ministarstvo finansija, Poreznu upravu i mjesečnih izvještaja o ostvarenim prihodima i rashodima za Upravu za indirektno oporezivanje,
- Dostava kvartalnih izvještaja Federalnom ministarstvu finansija Kantona Sarajevo o evidenciji “Vanjskog duga Federacije i Kantona” i evidencije o “Garancijama Federacije i Kantona”,
- Podnošenje mjesečnih PDV prijava u 2019.godini za period 12/2018 i 1-11/2019,
- Praćenje pražnjenja prihoda kroz mjesečne B2 obrasce Ministarstva finansija Kantona Sarajevo,
- Koordiniranje rada drugih službi i kompletiranje dokumentacije o fiskalnoj odgovornosti Općinskog načelnika.

Takođe su blagovremeno i kvalitetno obavljani i svi drugi poslovi koji spadaju u ovu oblast.

6. Obrazovanje, kultura, sport i informisanje

Posebna pažnja posvećena je širokoj oblasti obrazovanja, kulture, sporta i informisanja u kojoj je, pored ostalog:

- provedena procedura dodjele stipendija u kojoj je potpisano 142 ugovora o stipendiranju talentovanim učenicima srednjih škola i 244 ugovora o stipendiranju talentovanim studentima visokoškolskih ustanova u školskoj 2019/2020.godini,
- učestvovano u organizaciji jedne od najznačajnijih kulturnih manifestacija “Ilidžanski festival” u saradnji sa Hayat TV d.o.o., kao i drugih manifestacija,
- provedena kompletna procedura za (su) finansiranje 95 projekata iz ove oblasti u ukupnom novčanom iznosu od 150.000,00 KM,
- Praćen rad osnovnih škola uz analizu uspjeha u učenju i vladanju učenika, uz predlaganje odgovarajućih mjera za unapređenje odgojno-obrazovnog rada,
- u saradnji sa nalezim ministarstvima organizovana su takmičenja i smotre učenika u oblasti nastavnih i vannastavnih aktivnosti,
- ostvarena saradnja sa omladinskim organizacijama, nevladinim organizacijama uz pružanje stručne pomoći u provođenju njihovih aktivnosti u skladu sa evropskim i međunarodnim konvencijama i drugim zakonskim i podzakonskim aktima,
- izrada prijedloga dokumenata Strategija prema mladima na području općine Ilidža sa akcionim planom za period 2020-2024.godine,
- kontinuirano saradivano sa Centrom za mlade i u saradnji sa Centrom organizovanje obuka i savjetovanja za mlade na području općine Ilidža,
- organizovana posjeta Memorijalnom centru Srebrenica- Potočari za 750 učenika, te Spomeničkom kompleksu “Tunel DB” za 626 učenika,
- organizovano niz sportskih i kulturnih manifestacija,
- praćene sve značajne aktivnosti u organizaciji općine, odnosno načelnika, svih službi uprave, sjednice Općinskog vijeća, boračkih udruženja kojima je općina finansijski pomogla u realizovanju projekata, kako u zgradi općine, tako i na terenu,
- dostavljane brojne informacije medijskim kućama i na web stranicu Općine Ilidža.

7. Rad, socijalna pitanja, zdravstvo, raseljena lica i izbjeglice

U oblasti zaštite porodice sa djecom vođen je prvostepeni upravni postupak za priznavanje slijedećih prava:

- priznavanje prava na dodatak na djecu,
- priznavanje prava na jednokratnu pomoć za opremu novorođenog djeteta i priznavanje prava na pomoć u prehrani djeteta do šest mjeseci i dodatna ishrana za majke dojilje,
- priznavanje prava umjesto plaće ženi-majci u radnom odnosu za vrijeme dok odsustvuje s posla radi porođaja i njege djeteta,

- priznavanje prava na novčanu pomoć za vrijeme porođaja žene-majke koja nije u radnom odnosu, i
- priznavanje prava na subvenciju dijela troškova boravka djece u predškolskim ustanovama.

Na osnovu navedenih priznatih prava ukupno je isplaćeno 4.859.492,49 KM.

U oblasti zdravstvene zaštite obuhvaćeni su sljedeći oblici zdravstvene zaštite:

- zdravstvena zaštita osoba koje se nalaze u stanju socijalne potrebe,
- zdravstvena zaštita djece od rođenja do navršene 15. godine života, odnosno starije maloljetnike do 18. godina,
- zdravstvena zaštita lica iznad 65. godina života,
- civilne žrtve rata, i
- raseljena lica i povratnici.

Zdravstvena zaštita po navedenim kategorijama pružana je pod uslovom da tu zaštitu nisu ostvarili po nekom drugom osnovu.

Ukupan broj korisnika po navedenim osnovama iznosi 1.039, a za te namjene ukupno je izdvojeno 248.300,00 KM.

Pored navedenog vršena je i dodjela:

- novčanih pomoći iz Budžeta Općine Ilidža sa ukupno odobrenih 102.500,00 KM.
- novčanih pomoći u participiranju liječenja teško oboljelih lica sa ukupno odobrenih 183.100,00 KM.
- novčanih sredstava za sufinansiranje troškova medicinski potpomognute oplodnje na području općine Ilidža sa ukupno izdvojenih 56.000,00 KM,
- jednokratnih novčanih pomoći za novorođeno dijete na području općine Ilidža sa iznosom od 200,00 KM po djetetu.

Stipendiranje učenika i studenata slabijeg imovnog stanja sa ukupno dodjeljenih 198 stipendija i stipendiranje djece bez oba roditelja i roditeljskog staranja sa ukupno dodijeljenih 47 stipendija, predstavlja još jednu značajnu aktivnost.

8. Boračka pitanja

Pored vođenja prvostepenog upravnog postupka, shodno kantonalnim propisima obuhvaćeno je:

- naknada troškova dženaze-sahrane, ratnim vojnim invalidima i članovima njihovog domaćinstva, članovima porodice šehida i poginulog borca i demobilisanim borcima, te je po ovom osnovu priznato pravo za 215 korisnika,
- zdravstvena zaštita demobilisanih boraca, RVI i članova njihovih porodica i članovima porodice šehida-poginulog borca za ukupno 492 nosioca osiguranja i 954 člana porodičnog domaćinstva,
- pravo na povlaštenu vožnju za ukupno 281 korisnika,
- pravo na banjsko i klimatsko liječenje za 79 korisnika,
- pravo na mjesečna novčana primanja za 139 korisnika, i
- pravo na mjesečnu novčanu naknadu dječiji dodatak za ukupno 54 korisnika.

U oblasti finansijskih poslova, a shodno federalnim propisima obavljani su poslovi vezani za mjesečni obračun i isplatu novčanih primanja korisnika boračko-invalidske zaštite za koja su sredstva obezbijeđena iz Budžeta Federacije u ukupnom iznosu od 10.962.722,97 KM.

Finansijski poslovi u skladu sa Kantonalnim propisima obuhvataju isplatu osnovnog obezbjeđenja, porodičnog dodatka, naknadu troškova dženaza-sahrane i mjesečne naknade nosioca najviših ratnih priznanja, nosioca "Partizanske spomenice 1941" i RVI kojima je priznato pravo na tuđu njegu i pomoć od strane drugog lica i dječijeg dodatka, za koja su sredstva obezbijeđena iz Budžeta Kantona Sarajevo.

Takođe je vršeno i obilježavanje značajnih događaja i ličnosti na području općine Ilidža, kako od općinskog tako i od kantonalnog značaja, za koje je Općinski načelnik raspisao Javni poziv za 2019. godinu, te je nakon provedenih propisanih procedura odobreno finansiranje i implementacija 51. projekta. Općinski načelnik je na osnovu zahtjeva boračkih udruženja odobrio sufinansiranje drugih 13 projekata-stavka ostalo, vodeći računa o iznosu stavke za ovu namjenu u Budžetu Općine Ilidža.

Za redovne aktivnosti u 2019. godini odobrena su i isplaćena sredstva u iznosu od 390.000,00 KM, za implementaciju ostalih projekata 31.921,00 KM i za projekte boračkih udruženja 570.121,00 KM.

9. Opća uprava

Prema osnovnim evidencijama iz kancelarijskog poslovanja zaprimljeno je, obrađeno i dato u rad po službama, kroz interne knjige ukupno 14.206 predmeta i akata, od čega 7.325 upravnih predmeta, 1.015 veza predmeta i akata i 5.866 akata poslovanja.

Pored ovih poslova kroz druge evidencije zaprimljeno je:

- 32.214 raznih dopisa, informacija i dr. koje su proslijeđene nadležnim službama,
- kroz knjigu ulaznih i izlaznih računa, evidentirano je 4.040 ulaznih i 3.242 izlaznih računa,
- putem kurira proslijeđeno je 16.490 dopisa prema nadležnim institucijama, a putem pošte 31.286 pošiljki,
- kroz knjigu ugovora protokolirano je 963 ugovora, i
- kroz knjigu lične pošte zaprimljeno je 64 koverti.

Izvršeno je arhiviranje 18.672 predmeta, a na zahtjev općinskih službi je izuzeto 413 predmeta, od čega je u arhivu vraćeno 269 predmeta.

Posebna pažnja posvećena je izlučivanju bezvrijedne registratorske građe na osnovu Liste kategorija registratorskog materijala sa rokovima čuvanja, pri čemu je izlučeno 299 herbarija, 34 registratora predmeta i akata nastalih u radu Jedinog općinskog organa, stručnih i posebnih službi, kao i 193 upisnika za ovjeravanje potpisa rukopisa i prepisa. Popis bezvrijedne registratorske građe je komisijski verifikovan i dostavljen JU Istorijски arhiv Sarajevo, koji je donio Rješenje o odobravanju uništenja predmetne građe.

Prema službenoj evidenciji koja se vodi kroz knjige za ovjeru potpisa, rukopisa i prepisa ukupno je ovjereno 280.943 različitih dokumenata od čega 227.760 ovjera fotokopija i 53.183 ovjere potpisa.

U okviru matičnog ureda putem pošte ukupno je zaprimljeno i obrađeno 3.858 predmeta.

U matičnim knjigama izvršeno je ukupno 2.291 upis i to:

- u matičnu knjigu rođenih 975 upisa,
- u matičnu knjigu vjenčanih 673 upisa,
- u matičnu knjigu umrlih 673 upisa,
- u knjigu državljana 6 upisa

Pored navedenog na usmeni i pismeni zahtjev je izdato 43.944 uvjerenja i izvoda iz matičnih knjiga, kao i 32.362 izvještaja koji se u vezi sa tim poslovima dostavljaju drugim organima, te provjere za druge organe 1.379, i provedene promjene u matičnim knjigama 5.882.

U izvještajnom period sklopljeno je 673 braka, od čega 187 izlazaka na teren, te s tim u vezi dostavljeno je 1350 izvještaja o zaključenju braka nadležnim organima.

Poslovi Centra za birački spisak odnosili su se na obradu i unos podataka u postupku raspoređivanja 323 ulice na biračka mjesta, određivanje 95 biračkih mjesta, raspoređivanje građana po biračkim mjestima (65.368), dostavljanje sedmičnih izvještaja i ostalih traženih podataka CIK BiH, provjera i brisanje sa biračkog spiska 621, te realizacija projekta IDDEA-birači sa bb kućnim brojem.

10. Inspekcijski nadzor

U 2019.godini zaprimljeno je ukupno 950 novih predmeta, od toga:

- 536 neupravnih predmeta, koji su se odnosili na premete u kojima su vršene provjere na terenu, kontrola dokumentacije, ali nije bilo razloga za izricanje zakonom propisanih mjera, o čemu su se blagovremeno obavještavali podnosioci prijava i druge strane u postupku, u zakonskom roku,
- 109 upravnih predmeta, koji su se odnosili na predmete u kojima su vršene provjere a izricane su zakonom propisane mjere, te su se blagovremeno obavještavali podnosioci prijava i druge strane,
- 305 predmeta, koji su se odnosili na sva druga pitanja i odgovore za potrebe drugih lica i organa, u kojima je blagovremeno postupljeno.

U oblasti nadzora nad građenjem, Općinski urbanističko-građevinski inspektori su imali u radu ukupno 407 predmeta od čega se 71 predmet odnosio na sprovedene upravne postupke, u kojima je izvršena kontrola radova na terenu, kontrola dokumentacije potrebne za građenje, nakon čega su donesena rješenja i zaključci o dozvoli izvršenja tih rješenja i izricane zakonom propisane mjere.

U oblasti cestovnog nadzora, cestovni inspektor je imao u radu ukupno 105 predmeta, od čega se 8 predmeta odnosilo na sprovedene upravne postupke, u kojima je izvršena kontrola radova na terenu, kontrola dokumentacije potrebne za građenje, nakon čega su donešena rješenja i zaključci o dozvoli izvršenja tih rješenja i izricane zakonom propisane mjere.

U ostalih 97 neupravnih predmeta, cestovne inspekcije, sproveden je nadzor na terenu i kontrola dokumentacije, ali bez izricanja mjera.

U oblasti nadzora u komunalnoj oblasti, Općinski komunalni inspektor i redari imali su u radu 133 predmeta, od čega su u 26 predmeta vođeni upravni postupci, donesena rješenja i naređene zakonom propisane mjere, a u 103 predmeta inspektor je sproveo nadzor na terenu bez izricanja upravnih mjera.

Sva rješenja odnosila su se na kontrolu zauzimanje javnih površina i na kontrolu odvodnje fekalnih voda u sistemu lokalne kanalizacije. Komunalni inspektor je sproveo djelimično 26 predmeta, a 105 izvršenja je sprovedeno po zapisniku općinskih kontrolnih redara u kojem su bile naređene mjere.

Zahtjeve za zauzimanje javnih površina za postavljanje ugostiteljskih stolova, korisicu su podnosili pretežno nakon intervencije komunalnog inspektora i redara, odnosno nakon donošenja rješenja o uklanjanju postavljenih sadržaja.

11. Razvoj, komunalni poslovi i putevi

U oblasti razvoja realizovani su poslovi na prikupljanju i obradi prijedloga projekta, pripremi i izradi planova i studija razvoja Općine, poboljšanja kvaliteta življenja građana općine i usluga Jedinog općinskog organa uprave, koordiniranja i usaglašavanja prioriteta za godišnji plan, te praćenje realizacije investicionih projekata na području općine.

U protekloj godini aktivnosti su bile usmjerene na implementaciji javnih investicija na nivou općine u skladu sa usvojenim budžetom, te je plan rada u cjelosti realizovan.

Od ukupno 46 realizovanih projekata ukupne vrijednosti 12.070.391,85 KM, jedan od najznačajnijih projekata jeste rješavanje imovinsko-pravnih odnosa na nastavku izgradnje saobraćajnice Iliđa-Hrasnica sa izgradnjom tramvaj pruge, u koji je Budžetom za 2019.godinu planirano 4.943.027,30 KM.

Za izgradnju saobraćajnica ukupno je izdvojeno 6.433.881,94 KM, vodovodne mreže 164.871,11 KM kanalizacione mreže 1.351.277,01 KM, javne rasvjete 299.999,00 KM, regulacije vodotoka 754.690,10 KM, objekata 1.680.398,66 KM i u ostale projekte 1.385.334,03 KM, što ukupno iznosi 12.070.391,85 KM.

Pored upravnog rješavanja, u oblasti komunalnih poslova i puteve, aktivnosti su bile vezane uz problematiku održavanja čistoće na javnim površinama što podrazumijeva prikupljanje i odvod otpada i izgradnju niša za smještaj postuda za otpad.

Aktivnosti vezane za vodosnabdijevanje građana pitkom vodom, odnosile su se na održavanje lokalnih vodovoda, izgradnju vodovodne i kanalizacione mreže, održavanje uređaja na kanalizacionoj mreži.

U oblasti rekonstrukcije i održavanja lokalnih cesta vršena je izgradnja i rekonstrukcija saobraćajnica, održavanje saobraćajnica, održavanje i izgradnja saobraćajne signalizacije, kao i izgradnja cestovnih nadstrešnica.

Takođe su provedene aktivnosti za regulaciju vodotoka, problematiku snabdijevanja električnom energijom, kao i aktivnosti vezane za održavanje, izgradnju i rekonstrukciju javne rasvjete.

Aktivnosti vezane za radove na javnim objektima i mostovima odnosile su se na realizaciju na izgradnju i rekonstrukciju javnih objekata, izgradnju i rekonstrukciju mostova, održavanje fontana i javnih česmi.

Isto tako, provedene su aktivnosti vezane za održavanje zelenih javnih površina i aktivnosti vezane za evidenciju i ažuriranje podataka o nazivima ulica i kućnih brojeva.

12. Civilna zaštita

U oblasti civilne zaštite treba izdvojiti da je:

- zbog poplave u mjesecu februaru i oštećenja infrastrukture, angažovane su službe zaštite i spašavanja na čišćenju dijela rijeke Zujevine, izrade nasipa na jednom dijelu obale koja se urušila i popravke putem komunikacije u Rakovici,
- sačinjen projekat plana sanacije klizišta, te saglasnost/mišljenje Općinskog načelnika na predmetni plan i poslan Zavodu za izgradnju Kantona Sarajevo, a od sredstava prikupljenih od rente,
- provedena procedura JN sanitetskog materijala za potrebe službe zaštite i spašavanja za medicinsku pomoć JU Dom zdravlja Ilidža, potpisan ugovor i urađena primopredaja nabavljenih roba,
- nakon provedene procedure Javne nabavke opreme za sistem oglašavanja i uzbuđivanja urađena je montaža iste po mjesnim zajednicama, a urađeni su i poslani podaci o frekvencijama koje koristi Služba civilne zaštite općine Ilidža,
- urađeni su finansijski planovi posebne naknade za zaštitu od prirodnih i drugih nesreća i planovi naknade za izgradnju skloništa i zaklona za 2020.godinu, koje je usvojio Općinski štab civilne zaštite općine Ilidža,
- urađen je akcioni plan za 2020.godinu i izvještaj o realizovanim projektima u 2019.godini.
- provedena je pokazna vježba evakuacije uposlenika Jedinog organa uprave opštine Ilidža i stranaka koje su se zatekle u tom momentu.

U 2019.godini je pribavljen certifikat za sva registrovana deminirana područja općine Ilidža, a naknadno se došlo do saznanja da postoji minsko područje MZ Kotorac, otvoren je deminerski zadatak ID 14204 Donji Kotorac i isti je realizovan, te izvršena primopredaja deminerskog zadatka.

U okviru mjera zaštite i spašavanja urađeno je slijedeće:

- preventivne mjere zaštite od poplava,
- mjere zaštite i spašavanja za sklanjanje ljudi i materijalnih dobara,
- mjere zaštite od rušenja,
- mjere zaštite od požara,
- mjere zaštite i spašavanja od klizišta i odrona,
- mjere zaštite i spašavanja RHB, i
- mjere zaštite i spašavanja okoliša.

Rad operativnog centra Civilne zaštite Ilidža odvijao se u skladu sa namjenama za koje je organizovan.

14. Koordinacija mjesnih zajednica

Specifičnost ovih poslova sastoji se od pružanja usluga građanima na terenu, pružanju usluga svim službama općine Ilidža, javnim preduzećima, kao i drugim institucijama.

U proteklom periodu rad je bio usmjeren na slijedeće aktivnosti:

- realizaciju projekata za koje je bilo zadužena i to 12 projekata od kojih su neki realizovani u svim mjesnim zajednicama, a neki samo u pojedinim mjesnim zajednicama,
- praćenje svih realizovanih projekata na području općine Iliža, kao i pomoć u realizaciji istih,
- programsko ustrojavanje evidencije stanovništva,
- aktiviranje servera Adresnog registra,
- svakodnevnu saradnju sa organima mjesnih zajednica, Savjetom i Zborom građana, te zajedničke aktivnosti na anamiranju građana u realizaciji projekata gdje su građani svojim učešćem sufinansirali izgradnju puteva odvodne i kanalizacione mreže.

Zajedno sa sekretarima mjesnih zajednica vođena je aktivnost na prikupljanju finansijskih sredstava za izgradnju komunalne infrastrukture za koju su građani iskazali interes u smislu vlastitog sufinansiranja.

Uz sufinansiranje građana realizovana su 43 projekta asfaltiranja ulica.

Ukupno za asfaltiranje uz učešće građana izdvojeno je 268.760,63 KM.

U toku je izgradnja vodovodne mreže u MZ Rakovica i Blažuj.

Treba naglasiti da je realizaciju navedenih projekata provela Služba za razvoj, komunalne poslove i puteve.

Programsko ustrojavanje evidencije stanovništva odvija se kontinuirano i sastoji se od prijave i odjava građana, registriranju povratnika, domicilnog stanovništva, raseljenih i izbjeglih osoba.

Pored navedenih aktivnosti značajniji poslovi su se odnosili na:

- provođenje javnih radova po mjesnim zajednicama,
- održavanje interesnih zborova građana,
- humanitarnih aktivnosti,
- organizaciju javnih rasprava i tribina o Nacrtu/konceptu Regulacionog plana "Riverina-Sastavci",
- organizaciju javnih rasprava o Nacrtu Budžeta općine Iliža za 2020.godinu.

U radu mjesnih zajednica, pored administrativno-tehničkih poslova značajna pažnja posvećena je infrastrukturi.

Sekretari mjesnih zajednica uzeli su aktivno učešće u realizaciji svih infrastrukturnih projekata koji su predviđeni Planom općinskih službi u smislu organiziranja građana u vezi sa poslovima kao što su: zimsko i ljetno održavanje saobraćajnica, uređenje puteva, izgradnja i sanacija vodovodne i kanalizacione mreže, izgradnje i sanacije javne rasvjete, komunalne higijene, uređenja parkovskih površina, uređenje vootoka, sportskih terena, dječijih igrališta, te drugih infrastrukturnih projekata.

U obavljanju poslova za koje su nadležne mjesne zajednice ostvarivana je saradnja sa Stručnom službom za koordinaciju rada mjesnih zajednica, službama Općine Iliža, sa JP, KJKP, Upravom za inspeksijske poslove Kantona Sarajevo, MUP-om Kantona Sarajevo, Policijskom upravom Iliža, Centrom za socijalni rad i dr.

14. Ostale oblasti

U opsluživanju rada Općinskog vijeća i radnih tijela Vijeća, a u saradnji sa sekretarom Općinskog vijeća Iliđža, data su stručna mišljenja o nacrtima odnosno prijedlozima svih normativnih akata koje predlažu općinske službe.

Stručni i administrativno-tehnički poslovi bili su vezani za pripreme i otpremu materijala za sjednice vijećnicima, političkim partijama koje participiraju u radu Općinskog vijeća i predstavnicima sredstava javnog informisanja.

U pripremi sjednica Vijeća po predloženim materijalima, a radi zauzimanja stavova i stručne obrade istih održano je 116 sjednica stalnih radnih tijela Općinskog vijeća i dva sastanka u proširenom sastavu Komisije za sigurnost.

U toku prošle godine održano je trinaest redovnih, jedna tematska i četiri svečane sjednice Općinskog vijeća.

U skladu sa Programom rada Općinskog vijeća Iliđža za 2019.godinu, kao nosilac izrade materijala, Stručna služba je izradila:

- 12 Odluka,
- Program rada Općinskog vijeća Iliđža za 2020.godinu,
- Prečišćeni tekst Odluke o osnivanju stalnih radnih tijela Općinskog vijeća Iliđža,
- Informaciju o radu Općinskog vijeća Iliđža za 2018.godinu,
- Informaciju o realizaciji donesenih zaključaka Općinskog vijeća za period juni-decembar 2018.godine,
- Informaciju o realizaciji zaključaka za period januar-mart 2019.godine,
- Informaciju o realizaciji Programa rada Općinskog vijeća za 2019.godinu.

U skladu sa nadležnostima utvrđenim Pravilnikom o unutrašnjoj organizaciji, Stručna služba Općinskog načelnika, pored ostalog je:

- izradila rješenja o godišnjoj ocjeni državnih službenika i namještenika za 2018.godinu (ukupno 218 rješenja),
- izradila Raspored-plan korištenja godišnjih odmora za sve službe i rješenja o godišnjim odmorima za sve uposlenike (289 rješenja sa izmjenama rješenja),
- izradila plan kadrova (novih zaposlnika, odlasku u penziju, stažu u organu uprave za potrebe plana budžeta Općine,
- izradila i sva druga rješenja iz radnog odnosa zaposlenih (rješenja o plaćenom odsustvu, o radnim naknadama, prekovremenom radu, prestanku radnog odnosa i penzionisanju, rješenja o postavljanju, rješenja o davanju ovlaštenja, premještaju, obijanju raznih zahtjeva, imenovanju raznih komisija (ukupno 245 rješenja),
- izradila ukupno 132 razna dopisa – odgovore na podneske podnesene od strane fizičkih lica upućenih Općinskom načelniku, kao i dopis korespondencije sa višim nivoima vlasti, općinskim službama i drugim organizacijama za potrebe općinskog načelnika,
- vodila propisane evidencije o uposlenicima,

Služba je radila i administrativne poslove – prijem i evidentiranje računa i drugim predmete koje je dostavljala Općinskom načelniku na saglasnost ili na rješavanje.

Ukupno je primljeno 4.040 računa, 993 predmeta za Općinskog načelnika i 211 prijavnih listova za razgovor sa Općinskim načelnikom.

U oblasti zajedničkih poslova

Pored redovnog održavanja čistoće objekata vršena je dezinfekcija, dezinsekcija i deratizacija zgrade Općine i objekata mjesnih zajednica, bivšeg kina "Igman", kao i tehnička aerosolizacija u objektu Općine Ilidža, kao i drugi poslovi koji se odnose na redovno servisiranje postojeće opreme i pružanje drugih uslova.

Vršene su grafičke usluge, nabavke osnovnih srestava, nabavke sitnog inventara, kao i nabavke roba i usluga putem Direktnog sporazuma (137), Otvorenog postupka (7), Konkurentskog postupka (21) i Pregovaračkog postupka (1).

U 2019.godini završeni su radovi na rekonstrukciji objekta "Vrtlarska kuća". Po preuzimanju objekat je opremljen video nadzorom i protuprovalnim alarmnim sistemom i u okviru postupka javnih nabavki osiguran putem "Sarajevo osiguranja", a u toku rekonstrukcije objekat je opremljen video nadzorom i protuprovalnim alarmnim sistemom.

II ZAKLJUČAK

Na osnovu prezentirane informacije, može se zaključiti da su u svim oblastima postignuti značajni rezultati koji su zajedno sa Općinskim načelnikom doprinijeli da Ilidža postane ambijent ugodnog življenja a u skladu sa strategijom razvoja Općine Ilidža za period 2014.-2020. godine. Zato je u narednom periodu potrebno provoditi još veće aktivnosti kako bi privukli što veći broj investitora, realizovali što veći broj projekata i stanovnicima općine Iliža pružili optimalnu socijalnu zaštitu.